

Ե Ր Գ Ե Ր

(ՀԱՅՏԵՒՆ)

Ա Ր Ծ Ի Ի Ն Ա Ն Ի

I

Գիշեր ցերեկ միայն դու ես
Ուշք ու միտքս գըրաւած,
Հեղ աչերով, մատաղ ժպտով
Սիրտս ու հոգիս կախարդած:

Ա՛խ, ինչպէս ես կը ցանկալի
Մենակ նստած քո կողքին՝
Ողջ գիշերներ քեզ իմ երգով
Պատմել սէրըս, իմ անդին:

Եւ կ'ուզէի քո քնքուշիկ
Ձեռքը սեղմել շրթունքիս,
Եւ ջերմաջերմ իմ արցունքով
Թրջել նրան, նազելին:

Մօսկւա. 1889 թ.

II

Դու մանուկ չքնաղ, եդեմ ծաղկալից,
 Որքան քնքուշ ես, որքան սիրասուն,
 Նայում եմ վերադ—և հոգիս նորից
 Ձգում է նոր կեանք, նոր երջանկութիւն:

Ա՛խ, ինչպէս սիրով այդ փոքրիկ գլխիդ
 Ձեռքերս դարսած՝ ես ջերմ, սրտեռանդ
 Աղօթք կ'անէի, որ Տէրը քեզ միշտ
 Պահպանէր այդպէս մաքուր, անարատ:

Մօսկւա. 1889 թ.

III

Որպէս երբեմն գիշերլայ ժամին
 Լուսնի ջինջ շողքը դողում է ջրում,
 Իսկ լուսինն ինքը երկրի երեսին
 Հանգիստ ու վսեմ յառաջ է սահում:

Այդպէս իմ առջև, և՛ դու նազելի,
 Հանգիստ, սիգաճեմ քալլ էի՜ր փոխում,
 Եւ քո պատկերը չքնաղ, պաշտելի
 Անգրադառնում էր սրտիս խորքերում...

Մօսկւա. 1889 թ.

IV

Մանուկ, մի՛ լինիր այդպէս անհամբեր,
 Եւ ներքի, որ դու իմ նոր երգերում
 Անվերջ լսում ես հին վշտի ձայներ
 Եւ միայն անցեալ տանջանքս ես կարգում:

Սպասիր, հոգեմկ. կը լռէ շուտով
 Նախկին վշտերիս տխուր արձագանք,
 Եւ սիրտըս նորից քեզ ջերմ եռանդով
 Կ'երգէ նոր գարուն, նոր սէր ու նոր կեանք:

Մօսկւա. 1889 թ.

Վ

L A Z A R U S

Թէ դու հարուստ ես—անբաւ գանձի տէր,
 Բաղդը քեզ դարձեալ կը տայ լիովի.
 Իսկ թէ աղքատ ես—շատ քիչ փողի տէր,
 Այդ քիչն էլ բաղդը քեզնից կը խլի:

Թէ մուրացկան ես—ամեն բանից զուրկ,
 Աւելի լաւ չէ քընես յաւիտեան...
 Այժմ նա միայն ունի իրաւունք
 Աղատ ապրելու, ո՞վ ունէ մի բան:

1887 թ.